



**Završna konferencija zajedničkog projekta Evropske unije i Vijeća Evrope  
“Strateški razvoj visokog obrazovanja i standarda kvalifikacija”  
6-7. juni 2015, Sarajevo**

Sarajevo, 13.7. 2015.

Završna konferencija zajedničkog projekta Evropske unije i Vijeća Evrope “Strateški razvoj visokog obrazovanja i standarda kvalifikacija” je održana **6-7.7.2015. u Sarajevu.**

Ova konferencija je prvi veći događaj u Bosni i Hercegovini u sklopu predsjedavanja Bosne i Hercegovine Vijećem Evrope.

Više od 120 predstavnika akademske zajednice, vladinih institucija i agencija, studenata, poslodavaca, međunarodnih organizacija, ambasada i razvojnih agencija okupilo se na zajedničkoj konferenciji Evropske unije i Vijeća Evrope kako bi se predstavili i raspravili rezultati projekta koji je podržao Bosnu i Hercegovinu u ispunjenju njenih obaveza preuzetih pridruživanjem Bolonjskom procesu 2003. godine.

Rezultati projekta su izrađeni zajedno sa akterima iz BiH u toku protekle dvije godine i pomoći će reformama visokog obrazovanja kroz unaprijeđenje kvaliteta obrazovanja kao i mobilnosti studenata, unutar i van BiH. Konkretno, partneri iz BiH i međunarodno priznati stručnjaci Vijeća Evrope su izradili nacrt Prioriteta za razvoj visokog obrazovanja u Bosni i Hercegovini za period 2016-2026. na osnovu temeljite analize stanja u visokom obrazovanju u Bosni i Hercegovini kao i Priručnik za izradu i upotrebu standarda kvalifikacija i zanimanja u Bosni i Hercegovini.

Uvodne govore su dali Adil Osmanović, ministar civilnih poslova BiH i Massimo Mina, šef operacija sekcije za društveni razvoj, civilno društvo i prekograničnu saradnju Delegacije Evropske unije u BiH.

Pregled o statusu i planovima Evropskog prostora visokog obrazovanja u svjetlu Jerevanske konferencije i kominikea je dao Sjur Bergan, šef odjela za obrazovanje i privremeni direktor Direktorata za demokratsko građanstvo i učešće, Vijeća Evrope.

Ostale prezentacije su:

- Pregled projektnih aktivnosti i rezultata, Nedim Vrabac;
- Nacrt “Prioriteta za razvoj visokog obrazovanja u BiH za period 2016 – 2026”, Esma Hadžagić;
- Novi Evropski standardi i smjernice za osiguranje kvaliteta u Evropskom prostoru visokog obrazovanja, Bruno Curvale;
- Ključna uloga eksperata trenera u reformi standarda kvalifikacija i zanimanja u BiH i Evropi, Stephen Adam;



- Priručnik za izradu i upotrebu standarda kvalifikacija i zanimanja u BiH, Stephen Adam.

Rezultati projekta su također bili tema dvije radionice, jedna posvećena nacrtu dokumenta „Prioriteti za razvoj visokog obrazovanja u BiH 2016-2026” i druga posvećena *Priručniku za izradu i upotrebu standarda kvalifikacija i zanimanja u BiH*.

Dodijeljeni su certifikati dvadeset i jednom treneru za izradu i upotrebu standarda kvalifikacija i zanimanja u BiH koji su obučeni u sklopu projekta kako bi pomogli svim akterima, naročito visokoškolskim institucijama, u reformi i izradi studijskih programa i kvalifikacija.

Nakon veoma interesantnih i intenzivnih diskusija učesnici u usvojili zaključke konferencije kao preporuke svim akterima u visokom obrazovanju u BiH a prije svega nadležnim obrazovnim vlastima i visokoškolskim institucijama.

### **Zaključci konferencije**

1. Učesnici konferencije se slažu i podržavaju sve projektne rezultate i preporučuju njihovu implementaciju.
2. U vezi sa “Prioritetima za razvoj visokog obrazovanja u BiH 2016-2026”, učesnici se slažu i podržavaju nacrt dokumenta “ Prioriteti za razvoj visokog obrazovanja u BiH 2016-2026”, sa preporukom da se posebna pažnja posveti:
  - Harmonizaciji zakona o visokom obrazovanju sa Okvirnim zakonom o visokom obrazovanju u BiH;
  - Jačanju institucionalne autonomije visokoškolskih institucija;
  - Uvođenju novog načina finansiranja visokoškolskih institucija sa stabilnim i pravednim finansiranje, uzimajući u obzir autonomiju visokoškolskih institucija i njihovu odgovornost;
  - Jačanju Rektorske konferencije BiH kao najvišeg akademskog tijela u BiH, uključivanjem privatnih visokoškolskih institucija kao novih članova;
  - Jačanju naučno-istraživačkog rada i inovacija, vodeći računa da se plate nastavnika ne formiraju samo na osnovu broja nastavnih sati;
  - Jačem povezivanju visokog obrazovanja i tržišta rada.
3. U vezi *Priručnika za izradu i upotrebu standarda kvalifikacija i zanimanja u BiH*, učesnici konferencije su se složili:
  - Sve visokoškolske institucije trebaju da odmah koriste Priručnik za izradu i upotrebu standarda kvalifikacija i zanimanja u BiH (Priručnik) i trenere za izradu i upotrebu standarda kvalifikacija i zanimanja u BiH (treneri) bez odlaganja;
  - Sve visokoškolske institucije trebaju da podstaknu trenutne i buduće projekta da koriste trenere obučene u sklopu zajedničkog projekta EU i VE;
  - Na visokoškolskim institucijama treneri da informišu viši menadžment i kolege;



- Visokoškolske institucije da izrade plan obuke za svo osoblje; treneri trebaju da rade sa kolegama koji rade na osiguranju kvaliteta;
- Visokoškolske institucije i sve ostale relevantne institucije trebaju da podrže i prepoznaju trenere za izradu i upotrebu standarda kvalifikacija i zanimanja u BiH koji su obučeni u sklopu zajedničkog projekta EU i VE;
- Treneri za izradu i upotrebu standarda kvalifikacija i zanimanja u BiH trebaju dalje da obučavaju nove trenere;
- Prjektni tim treba da distribuiraju Priručnik za izradu i upotrebu standarda kvalifikacija i zanimanja u BiH svim visokoškolskim i drugim relevantnim institucijama;
- Svi akteri trebaju da koriste trenere na svim nivoima u BiH i u regiji;
- Povezati trenere sa Agencijom za razvoj visokog obrazovanja i osiguranje kvaliteta u BiH i povezati trenere sa akreditacijom institucija i studijskih programa;
- Akreditacija novih studijskih programa, kao i revidiranje postojećih treba da se vode Priručnikom;
- Uključiti domaće obučene eksperte/trenere u buduće međunarodne projekte Engage local trained experts in future international projects;
- Podržati mrežu trenera;
- Treneri trebaju imati ključnu ulogu u kreiranju/testiranju/evaluaciji novih standarda kvalifikacija i standarda zanimanja;
- Predstaviti Priručnik i trenere za Rektorskoj konferenciji BiH i Konferenciji ministara obrazovanja u BiH.

Konferenciju su svi sudionici ocijenili kao veoma korisnu i uspješno organizovanu. Ona je jedan od tri važna događaja u polju obrazovanja kojima će Bosne i Hercegovina biti domaćin u 2015. godini u sklopu predsjedavanja Bosne i Hercegovine Komitetom ministara Vijeća Evrope. 2-3. novembra 2015. održat će se konferencija „2015 Razmjena o religijskoj dimenziji interkulturalnog dijaloga – građenje inkluzivnih društava zajedno“ nakon čega će se 5-6. novembra 2015. održati završna konferencija i regionalni ministarski sastanak zajedničkog projekta EU i VE „Podrška inkluzivnom obrazovanju“ u Sarajevu.